

成安縣志

卷七

671.1443
084
14

行政

孟子言諸侯之寶三土地人民政事泰西學者倡三權鼎立之說曰立法司法行政而以立法權歸之人民我

先總理中山先生制憲增爲四權使人民對於立法有創制權有複決權對於用人有選舉權有罷免權統曰民權然則行政者實吾民自治團體中生育之培植之顧復之一種主幹事物而欲資之以爲生者也故爲政在教養民不在治民吾成地勢坦夷而位在邊鄙自建國以來軍閥與軍閥互相軋轢土地爲其蹂躪閭里因而瘡殘操行政權者方且積財徵役承奉供應之不暇何暇計及民岩可慮施其仁而發政哉近則於政局稍

稍整飭矣各補助機關亦次第宣告成立矣其爲民籌生聚教訓之方便民治之眞精神發展耶抑猶如畢士馬克謂政事爲治民之一術也仍不可知也志行政

縣政府

縣政府清季稱縣衙門後改縣公署縣知事稱知縣署內幕賓有刑錢賬房稿案門錢糧門差門下有三班馬快皂隸民狀六房吏戶禮兵刑工六房之外又有河房承發房至民國初年改稱縣知事十六年又改稱縣長刑錢賬房改爲一二兩科稿案錢糧差門改爲傳達處收發處班房改爲司法警察書記至民國十七年七月間奉令縣公署改縣政府縣長以下科長二員

科員二員事務員四人顧員四人政務警察八名工友五名承
審官一員書記一人檢驗吏一人承發吏二人

監獄

成安監獄之組織管獄員兼看守所所長一員男性看守五名
女性看守一名錄事一人工友一名查成安監獄在民四鐘縣
長剛中到任後鑑於各班役對管押人犯流弊茲多將監獄畧
加修葺復於監之北面建築看守所一處房屋二十餘間分刑
事民事兩院以杜積弊

公安局

公安局創自前清光緒三十二年二月爾時名曰巡警局縣長

石之璞稱總辦局內設巡弁巡查教員書記會計庶務等職招馬巡五十名步巡七十八名旋劃全縣爲五區中區附設總局東區漳河店南區鄭家莊西區邢村北區店上堡每區派巡弁一員馬巡十名步巡十名駐防警欸每畝捐制錢二十四枚村長副坦負直接交納巡警局商人富者捐制錢十千次者捐錢三四五千不等局內會計專司收錢事宜至民國二年警欸改爲隨糧代徵每畝按洋二分五釐徵收至今仍舊又查成安縣巡警局自清光緒三十三年每區添設警董一名三十四年由全省警務處派來巡官苗豐年統制全縣巡警復置總警董一員專理警欸傳習所一處教練巡警至宣統三年改巡警局爲

警務長公所巡官改爲警務長各區巡弁改爲區長傳習所改爲警察教練所教員改爲教練官及民國元年改警務長公所爲警察事務所警務長改爲警佐區長改爲區官民國五年警察事務所改爲警察所民國七年警佐改爲所長區官改爲巡官歷來成安縣巡警自清光緒三十四年至民國初年其間經陳縣長子周高縣長仰祉極力整頓教練官劉岐山認真教練數年巡警由教練所畢業者六班故一時五區巡警巡邏站崗晝夜勤勞土匪斂跡成安巡警頗有可觀民國十年以後因循敷衍無甚成績延至民國十六年三月民衆變亂五區巡警悉被解散槍枝損失殆盡所長潛逃至今言之甚爲可惜民國十

七年經縣長夏禮暫委所長楊慶榮招馬步巡警五十名維持秩序置文牘會計書記巡官副官各職是年革命北伐成功以後改警察所爲公安局所長改爲局長至十九年添設東關派出所一處文牘改課員復置督察教練各一員民國二十年公安局長王維翰新河籍人極沈靜辦事穩健對於警政發展不遺餘力奉令改組局長以下置課長一員課員二員公安隊長偵緝隊長督察員教練員局員僱員各一員計馬警長一名馬警七名步警長三名步警三十一名火馬夫五名至全局工作人員組織黨義研究會每日會萃一堂研究黨義復設警察教練所分班訓練警士現因警款拮据五區難以恢復原狀暫組

巡邏隊分赴各區遊弋藉保治安然警察人數雖屬寥寥對於警察大義暨

總理黨義亦畧知端倪將見成安警政日有起色不禁拭目俟之

公安局歷史

成安縣公安局創自前清光緒三十二年二月經知縣石之璞創辦就舊有關帝蕭曹二廟地址修建迄今二十六年之久初名巡警局後改爲警務長公所又改爲警察事務所及警察所至民國十七年南北統一以後始改爲公安局其間各任之措施與成績之優良不暇殫述謹誌概畧列表於左

成安縣公安局官長姓名籍貫事蹟表

姓名	別號	籍貫	時期	事蹟
苗豐年	阜民	肅寧縣	七年	創辦傳習所及教練所畢業學生五班添設西區分駐所剿獲著名土匪程二天爺郭三禿
甄樹穀	雨農	曲陽縣	七月	
王樹棠	化南	沙河縣	一年七月	剿獲著名土匪鄭老六抓獲脫獄匪犯曹老牛奇
牛樹桐	蘆江	河間縣	一年四月	恢復巡警教練所畢業學生一班
蔣心田	葆真	天津縣	七月	
許韻五		安國縣	四月	
李光宇	耀庭	鹽山縣	五月	
黃鳳鳴	盛宸	山東紫陽縣	二年二月	民十九年間協同保衛團剿獲著名杆匪房作賓周牛子韓玉田王善銀裴振山等十餘人
張炳耀	星燦	任縣	五月	

蹟

李悅賓 敬先 東鹿縣 一月

程清恩 澤普 大名縣 二月

周鴻陞 松岩 山東泰安縣 一年二月
警察加餉添招臨時警察添沙河路固趙三村
西彭留北漳堡分駐所

王承槐 化南 奉天 一年

張金鐸 志遠 清豐縣 一年二月
素性爽直勇敢有為剿匪獲案屢立奇功旋於十五年七月十
二日在鐘樓寺剿匪陣亡人多哀之

劉增惠 幼山 靜海縣 一年一月

王瑜 懷卿 長垣縣 一月

劉增惠 全上 一年

楊慶榮 紱臣 成安縣 四月

孫來祿 天津 四月

張金桂 品三 成安縣 四月

楊慶榮

全上三月

楊殿元

慰岑

山紫陽縣

二月

劉和鼎

安徽

二月

張進祿

壽岑

清苑縣

七月

王瀾

榮波

獻縣

九月

開辦東關派出所修築衙前馬路

王維翰

鎮卿

新河縣

現任

開辦警察教練所黨義研究會剿捕土匪梁玉和王四妮

教育局

教育局在清光緒三十二年成立始名勸學所總董一員勸學員五人書記兼會計一人民國二年總董改名縣視學勸學員改爲學務委員三年十月縣視學改爲所長學務委員仍改勸學員十一年十二月勸學所改爲教育局局長以下督學一員

教育委員四人工友二名附設通俗講演所主任一人民衆學校教員一人

建設局

建設局初名勸業所成立在民國十二年秋所長程天貴其組織所長一人勸業員一人書記一人至十四年改組爲實業局局長一人勸業員二人事務員二人書記一人至十六年秋程局長辭職劉金臺奉縣長于振瀛委任爲實業局長因舊址失修暫賃商會房三間作爲辦公地點至十八年二月實業局改組爲建設局劉局長辭職張延芳奉建設工商廳委任爲建設局長其組織局長一人技術員二人事務員二人至十九年復奉令

改組其組織局長一人技術員一人事務員三人書記一人辦公地點經縣政會議議決以城東南隅梓潼宮全院及文廟前院東部爲建設局地址二月間遵縣政會議決議案著手補修牆垣屋宇隨于三月間移居文廟地址內計經費年一千八百七十二元

附農事試驗場

農事試驗場于民國二十年春成立場長于駿聲該場專司試驗各種作物肥料將其優良或惡劣之結果供獻于全縣農民以定趨向而促農業之發展其組織場長一人技術員一人有必要時得臨時僱工場地在東關外計地十四畝場內鑿井一

眼水量夠用其地劃分爲三大區一爲試驗區一爲育種區一爲經濟區三區之中試驗區爲主育種區次之經濟區又次之其經費以建設項下開支計每年三百一十七元

附苗圃

苗圃于民國二十年成立董學顏奉縣長張應麟委任爲苗圃主任其組織主任一人技術員一人遇必要時得酌用雇員圃地在東關外計地十畝本圃專司各種苗木之培養及分給暨植樹之指導樹種之調查等事項其對於村苗圃負有督促指導攷察之責其經費以建設項下開支每年計洋三百一十六元

財務局

財務局舊名財政所於民國十一年一月經林蓬春知事開辦委劉玘爲所長暫賃民宅至十四年遷移商會內十五年終劉玘辭職委宋福周接充十六年民變財政所負責無人經孔昭芹知事招集臨時會議公推張金桂爲所長維持現狀十七年四月革命軍到成于知事振瀛北去新任知事張爾共臨時委溫鶴姿爲財政所所長旋改財政所爲財務局財政所長改稱財務局長是年十月按照新章由各團體機關選舉溫鶴姿爲財務局長十八年四月劉鳳鳴代理十九年春改選史玉書被舉爲財務局局長局長以下事務員二人書記一人工友二人

縣總團

吾邑在民國八年創辦保衛團排長七員團丁百餘名維持治安成績甚著十六年政變團丁解散槍械失落十八年邑侯陳公錫疇奉令組織縣總團縣長兼團總團副一員隊長一員教練一員秘探一員書記長書記會計各一員團丁步兵三十名騎兵十名護兵號兵各二名傳達一火夫三名二十年八月改團副爲副團總軍事訓練一員政治訓練一員書記長書記會計等悉仍舊

區分團

五區區分團與縣總團同時成立其組織每區團正一員稽查